

小重山房詩詞全集

詩船詩錄卷三

華亭 張祥河 元卿

理舊稿有作

古人拾新句每歎割愛難今我編舊吟頗惜稿  
缺殘區區亦何爲敗簏搜無端如夢夜追憶伏  
枕空渺漫不思小年作奇麗教人看一悔那復  
存獨往尋古歡茫茫後視今還作如是觀

雨後柬潘功甫舍人

出門與俗違落落寡所營僚友假車去卻埽翻

得名今朝倏直期亦未趨承明披子冰雪詞細  
咀馨逸生涼颺颺然至新沐頭髮輕一雨萬病  
蘇庭木都含榮綠痕上几榻鑪篆相迴縈靜觀  
一以樂得此光景清

題鮑覺生丈感舊集

海內幾知己平生師友閒蒼茫看逝水付託有  
名山宿草啼鶯送孤雲弔鶴還祇餘懷舊意老  
淚獨潸潸

譜入山陽笛淒涼不可聽哀猿隨急峽斷鴈訴

蒼冥酒國搔華髮江天數曉星漁竿三泖上一

樣感凋零

卷中有懷吾鄉王少寇之作

九月七日招同趙子啟斗垣君復顧荃士  
載酒游釣魚臺歸途至白雲觀謁邱真人  
象旋過天口寺看菊

清游就菊花勝地略尋徧載酒出郊坰釣臺繙  
前彥環谿蔚林木嵐翠障當面玉泉放閤聲洗  
盞趁洞淀落葉當聲座氍毹支鑪風自扇一醉渺  
塵海臨淵有同羨攜壺復幾輩小艇破秋練橫

空飛一笛吹韻荻花顫江南接遠夢豈止我心  
眷諸君皆故鄉苔磯坐忘倦

斜照不解事催我歸去來行行訪白雲徑上仙  
人臺當年長春子應召言最該雪山錫虎符莫  
以左術猜歸真太極宮肖象全嬰孩燕九寶燕  
邱道院幡幢開都人盛香火門外無莓苔讀史  
至西征曠代瞻蓬萊

馬首出浮圖古寺速游客車行徑寺後磴道高  
數尺入門靜經梵一鈴語空碧緬隋開皇幢舊

碣無片石秋容起頽廢菊序圃新闢寺僧業種  
花老瓦盆十百土房向南榮霜後紙糊隙諸天  
欲微笑初地眾香宅寥寥訪秋人歸去插盈幘  
送程春廬丈視學奉天

巫閭山氣朝興京天柱秋高關塞清星使由來  
繫文望送公持節遼東行公本羅胸無弗有著  
述朝端燕許手學稱西曹辨職方書成六典開  
淵藪中台星采映華顛橐筆樞廷十四年諸老  
交推郎署最九重早識近臣賢繡衣甫授監

司職 溫諭仍留直廬直 丹旼名宣拜棘卿  
白山眷重資馮翊束裝書卷歷明駝祖帳都門  
集玉珂奉 命知公圖報切感恩願我別懷多  
素交兩世盟金石翁昔江鄉共吟席奏賦分邀  
賜錦榮題襟頻滯公車迹過庭末座喜叨陪  
幾載傭書去復回踟躕那教趨捷徑艱難不使  
上謬臺爲聞通籍開顏色掌故重論鳳池側失  
學彌慙期許身指迷終藉提攜力通門氣誼重  
如山遠慰天涯鬢雪斑六秩編詩題米石

家君方之

任無爲 九秋郵札達榆關 公今赤幟新旗鼓獵騎  
邊城爭負弩藻鑑同澄鳴綠江 輶軒直抵黃龍  
府葛鐙土壁溯 皇基朱果祥光照節麾舜代  
封山判營冀周家卜宅肇邠岐采風皞皞昌文  
治疆域坡仙掌中示萬里看分括地圖三年定  
輯扶餘志太平潤色濟時才桃李清陰稱意栽  
會祝霓幢晉開府江南舊雨望公來

武肅親王墓大松歌

金枝捧日蟠蒼龍墓道葱鬱黃雲封盤盤偃蓋



作奇勢英氣颯爽神所鍾護持神物得神力架  
松之名動京國出郊馬上見濃翠肅肅風生  
御碑側我來拜墓揖髯叟平生見松得未有扶  
枝出架十數圍廣蔭周遭成戶牖當年環植凡  
六松此本第一 天潢宗兩株交讓互前後想  
見 帝業開雍容入關百戰定川陝竹帛功高  
不可掩吹簫庾語兆天數一箭黃巾滅寬馱馬  
鬣崇封寵析圭龍鱗佳氣吐虹霓海濤夜半起  
雄吼如聽騰驤花馬嘶王歸華表松千古磊落

喬柯守園戶建纛由來賊膽寒蒼顏奕葉瞻神武

癸未新正五日奉和冢宰盧南石師春雪  
依歐公潁州作韻

唐花發春吐新萼斜照當檐晚晴薄  
皇畿布闔兆霖潤一夕凝寒雪交作  
萬人喜氣挾膏澤六合祥光淨寥廓  
禁門夜聽更漏永天路晨趨鐙炬爍  
先生京兆古儒雅風化承流徧瓏落  
詔書昨下恤鞠窮雲物今古富蟲貉  
時平不復

恣蠹飽吏肅真能見烏攫焚香虛室得清燕積  
素中庭散寒雀歐公盛業後先婉餘子踵塵猶  
敝屣京東曩僅撫一隅何似熙熙三輔樂樓臺  
畫本水全暈鐵石詩腸茗初淪冰壺本是仙世  
界收拾紛華委冲漠艱哉禁體出奇特白戰縱  
橫筆如槩明當授簡進賓從滿座春風任談噉  
十二日師復招集諸同門依蘇公聚星堂  
韻卽席奉和  
瑤堦十二舒萸葉恰趁時晴來立雪觚棱日影

近相望鰲竦湖光正清絕擁鑪燕寢詩早就飛  
騎嚴城東先折街頭轍跡失高下屋角煙痕互  
起滅同堂諸子儼星聚舊話百年成電掣賞心  
古韻發奇穎照眼新篇祛凍纈韶顏對景倍生  
鬢高論停尊聽霏屑東風吹林碎萬花片片殘  
雲尙飄瞥瀛塵十斛天所賜三白田公證曩說  
請看輦路如砥平歸去春泥裏蹄鐵

錢來山聽竹圖

我家小園有竹所萬个簣簴繞谿渚慣試秋聲

六月天赤日行空不知暑十年策騎長安塵風  
雨憶君如故人尊前劇論燒筍味燕子飛去江  
南春錢侯本是雪川客家在筍鄉嗜同癖數竿  
聊復寫絹素葉葉梢梢動几席綠天爽籟舊夢  
醒翠袖招手來同聽故山滿地籜龍臥草閒時  
瀉千銀瓶幽花發馨古苔冷曲徑深林入詩境  
涼颼若爲助吟嘯洗鉢僧歸寺門靜當時游憩  
易夕曛題句刻徧琅玕紋君思罨畫谿邊畫我  
望橫雲山上雲

春水寓書索高句麗墨余向玉水舍人乞

寄二笏春水詩來謝余及舍人且云以其

一貽寶山毛生甫輒復和韻並徵生甫詩

網箋筆妙龍蛇走千里書來開笑口海東一介

黑松使留伴臨池鑑深黝試從玉笏辨分寸才

向金盃論升斗彼都文士亦輩出貞黹而後多

作手朴齊家號貞黹居士戊辰在都講書輒易

烏丸貴贈友還攜豹囊厚詩傳玉局報莘老材

取樂浪記潘叟潘谷作墨維用高麗煤見新煙

萬杵見生熟舊造百年定誰某何如句麗一點  
漆堅瘦真堪敵瓊玖多君分潤契同硯嗤我乞  
鄰珍享帚陳元交本毛穎善揚子文口客卿負  
由來奢望在隴蜀曷弗繼聲先瓦缶吟成持與  
省中客坐有龍賓將進酒

顧南雅文湏南紀游冊

客歲春三月古剎來探幽

都下法源寺

相逢先生萬

花下溟南桃李都從游論文并及梁州勝洱水  
蒼山愜清聽玉尺頻年造就心轡軒萬里登臨

興畫圖今歲獲奇觀六詔風雲眼界寬無數巖  
關天險設有時絕境鳥飛難碧雞金馬神祇肅  
複嶂重巒互起伏漢帝旌旗通博南武侯壁壘  
威蠻服先生著作冠詞曹赤幟文壇植望高益  
邵觀星知李邵盛時持節異王褒荒荒徼外澂  
江路大匠羣才仰陶鑄擢秀班同玉筍山名看尋  
源學向瀾滄江名派唐梅豔發百花先黑水龍潭  
別有天曠代尙留紅玉蕊先生本是老癯仙阿  
盧疊石尤奇崛雞足眞形得髣髴弟子能傳迦



葉衣先生本是牟尼佛是仙是佛證前身舉袖  
清風迥出塵猿鳥儼隨蓮幕客丹青教寫絳帷  
春摩崖巨筆題名姓傳與千秋見遒得句青  
天斗可捫校文古雪窗全暎曾作暎雪  
校文圖歸朝抗  
疏鬢華侵心事茫茫寄碧岑醉後談山如有助  
吟邊召夢欲同尋杖頭爭致門生酒文采西南  
啟淵數觸我天涯望遠思元龍新試栽花手謂  
橋學  
使

大雨漫成

燒燭竟無寐牀牀急雨過洪濤驚撼屋遠戍亟  
防河詩訝魚龍聽秋先枕簟多朝來開戶望缸  
面長新荷

一水隔衡宇吾廬真岸舟海圖緣漏壁溪溜走  
深溝得氣籬花放開襟酒伴留更無塵思積浩  
蕩泝輕鷗

大雨不止復成六韻

一事亦可喜更無客送迎兼旬石礎潤幾夕水  
星明悶悶漚漚思泔泔汨汨聲漏文多複筆暝

色有餘情溝澮關民瘼瓜壺悟物生遺閒難自  
已詩興若爲并

李蘭卿前輩倣伯時畫意製山谷道人騎  
石牛象六月十二日集同人嵐漪詩屋爲  
公壽

青牛駕我山谷路公詩大書溪石閒前身猶是  
金華兒謫作詩老終大還初游灞皖乃自號坡  
谷兩翁同一好七歲七言賦牧童名利機關見  
輒到豫章宗派公開先洗耳合須菩薩泉黃鸝

三請道人出三祖山上傳衣傳生能善保清淨  
退吹簫風斜事可愛伯時有畫不復見今見神  
光射牛背嵐漪詩人能好賢祝公生日醉此筵  
谷簾煮露剝芡話夕照在吾西頭妍

歐陽文忠公生日碩士蘭雪二丈招同朱  
虹舫徐星伯黃霽青謝向亭潘功甫龔定  
菴集九里梅花村舍賦詩卽席呈二丈

坐兩半月不一出出爲歐公賀生日招我者誰  
陳與吳江右詩文老於律當時廬陵昌古學二

百年中世少匹文偕師魯定宗向詩約都官振  
奇逸昌黎舊本入洛編皇祐初心思穎述翰林  
天下所聚望二府三朝倚元弼兩君辦香夙願  
同一具史才一仙質立言真握書法嚴禁體先  
教苟說黜黃庭刪正原無仙白戰縱橫是有筆  
一鄉大雅卓不羣千載詩圖補奚失盍簪今日  
盛履綦集古虛堂次卷帙迴瀾我欲問障川換  
骨君須代調蜜汪汪章水東西流指顧物華樓

第一

得家書漫寄

南方四月已苦雨北方六月方愁霖六鱗海上  
昨得書隄築略報驚潮侵余家申江結老屋竹  
木溼翠交清森一雨池水高過岸况兼盛漲來  
江溥茅堂布橋度筵几積潦三尺牆之陰魚游  
釜甑劇可慮卑田屢見漂秧鋤近畿河流亦漫  
口九重籌堵方勞心烏雲天際幸開朗街巷  
泥淖還深深東南歲事有司責何得安坐鳴風  
琴

早起看牽牛花

朝暾未升夜露清  
籬花綴鈿刷翠成  
垂垂柔蔓繞麀眼  
緒風織女機邊生  
提壺自行深幄裏  
土香微動迎初晴  
誰與田話送漿酒  
吾家瓜豆東西棚

隱几

涼颼吹不起雨腳漏斜暉  
蟬蛻飄虛幌梅蹠上  
袂衣七絃招鶴聽  
一劍逐蠅飛  
隱几兩無賴  
微參動靜機

七月十一日命家人以昌緒喪南歸

生汝十七年乃有此一朝召汝北來才兩年今  
送汝棺歸路遙自汝之亡九閱月殯帷風雨依  
僧寮生前知汝歸思切買舟亟趁津門潮晨偕  
汝母來哭汝灑淚入酒泉臺澆以汝解詩書數  
語雜之楮帛同焚燒吾心不忍卽汝離安汝丙  
舍魂可招汝生鍾愛祖父母痛汝白髮增一宵  
汝歸何以慰二老人夢要使無悲慘汝祖爲文  
哭臨湖謂汝有筆頗清超吾檢汝詩略加點業



附吾稿付刻雕一長不使遽湮沒此意汝亦知  
無聊臨歧戒僕送汝去牽衣不啻風蕭蕭嗚乎  
牽衣那得此一朝

### 送荃士南歸

久聚不知樂臨歧各黯然名場堪一慟遠客輒  
經年醉憶揚州夢行吟蜀道篇同來君最感獨  
返潞河船

余戊寅冬北上  
與荃士偕行

豪氣不終抑停杯塊壘侵高歌中夜起長嘯萬  
山深我抱亡兒戚君爲哭弟吟天涯並棖觸不

欲見沾襟

偶洗塵中眼看花亦寓情文章懸定價湖海見  
平生流水心今昔垂楊事送迎翦鐙從別館特  
與話三更

微聞津吏語南下有洪濤萬馬奔流束千艘下  
閒難佩韋休計日罷酒好加餐重九登高節金  
焦舵尾看

蘭雪丈招同人賞菊再疊覺生丈韻

東籬何處見真意無已將花瓶盞列此花如友

堪久交不特誇榮在莢節家家競致從野寺選  
佛場中自有說上者蕭疏下叢委同一花也勿  
齊轍城東誰氏具百種主人擁花拒客謁幽馨  
恐不敵梁肉閉置花應生鬱結先生獨招客賞  
花花笑迎人真韻絕護花四壁詩爲龕花意詩  
心兩愉悅有時吹氣著紙上秋水南華略可闕  
豈惟提壺肅僮約肯使閨人曉妝折古瓷手捧  
出異妍一似絳霜一綠雪先生品花猶品詩冷  
欲餐英濯中熱今年一笑盛晚登妙訣原知得

鄰壘蕉山歸去無好花高下當時眩眼纈新居

近喜是潘岳花園天然爲君設趙象奔舍人蕉山園今爲潘芸

閣同年所居借秋分作花兩家著述往還愈親切我

爲停尊一問花返照黃來正西映

### 李忠毅公死事詩

太白謫曜臨海疆惡氛盪洗徒披猖星歸天上

閔刦火神威下擊妖蠱亡繫公死事歲丁卯困

賊蔡牽黑水洋賊僅三舟授首亟礮機猝犯天

茫茫暴風駭浪是誰使論者每欲呼空蒼豈知

天生我公獨特生此賊梟鸞望使公擊賊奇烈

顯使公死賊大義彰不然百戰殄羣匪紛紛螳

臂烏足當惟率相持厯歲久然亦屢困屢遠颺

東涌之役賊孽除

擊率從子蔡添來墮海

大星嶼口摧桅

檣粵援不至獨力難大事坐失誰旁皇填胸憤

懣誓皎日寢饋潮汐鬢雪霜跡公早年勵盤錯

巍科列籍期門郎毀家募士官給火戢翼載向

睨池翔銅山境清賊匿影南躡夷艇窮炎荒長

蛇陣勢巨蛟背掛弓烽火連扶桑水中龍本識

王潛庭戶直視無溟滄□遇萬人莫遇公賊膽  
震懾名堂堂平生斬獲萬千數紀功早合書旂  
常自公困賊賊倖脫公死賊亦弩末強昭昭者  
天意有在不一二年卽銷欃槍九重垂淚萬口  
惜生榮死哀百世芳公有令子潤堂述先烈來  
向朝士徵詩章越公死事十六載孰與詩者華  
亭張

觀山臺歌爲李鳳岡前輩作

西山不肯入城住先生招之來高臺臺高僅得

一丈強已見嵐翠朝烟開面城雉堞當曲闌下

映帶水環城隈春秋佳日具好景江亭之勝何

有哉

陶然亭

自山之來不復去先生將山一家據

登臺有客欲仿築只爲此山無覓處山知先生  
抱素心宦歸出袖石鬱林買山無分借山可特  
設一境資登臨今朝拄杖成獨吟明朝送詩客  
見尋宜晴宜雨宜月夜更宜大雪飛遙岑臺前  
補籬散花竹人影日斜高出屋觀空萬事一塊  
北生壙端端在山麓先生題字古墨苔胸中邱

壑萬頃堆無山無臺心去來有山有臺且一杯

寄薛畫水司馬廬州時有七家古文之刻

薇垣輯遺事前輩有同心傾蓋長安道論交兩

世深方

望溪劉海峯

正文軌姜

西溟

薛合知音近者陳

無已

石士中允

此中三昧尋

送公潞河下兩月到江亭災賑東南亟濡須水

所經開堂磬雁集汲井蟄龍腥蒿目吾翁共當

添髮幾星

潘冰蟾女史讀畫圖



吾人潑墨等閒耳落手烟雲無一是那及閨中  
靜者心四格端端契宗旨吳興女士翩如仙有  
筆能生山水妍粉盃拈馨梅瘦逸綠窗寫韻竹  
便娟由來天性關聰慧祖硯留遺女孫替仙螭  
分明見夙緣太常夫婿紅絲繫最工蛺蝶小年茗雪  
賞芳辰隨宦揚州古月新櫻樹芙蓉溪水媚畫  
船簫鼓縣花春掌珠能事丹青授不獨鍼神擅  
絺繡鏡影周遭護玉父墨痕狼籍翻羅袖披芸  
尺幅貌修蛾題詠名媛秀句多南去看山歸梓

里北來聽鴈渡金河河聲嶽色郵籤數畫境妝  
臺一時補雙管傳神舉案莊六花鬪豔因風舞  
硯香常博亦善畫曩余海上掉舟還曾采新詩到佩環  
歸佩珊夫人今日擬裁好東絹會求綵筆仿荆關

### 奉寄曾賓谷前輩

鶴書特爲起桓寬蘊軸由來碩節榮萬里霓幢

歸孝養

公任貴州巡撫終養  
回籍特旨召用

中朝鹽筴始儒官

鹽政係滿洲缺公權  
兩淮運出異數

天心直以全淮寄公望

眞同古月看見說不勞飛雪將濟時那怯挽舟

難

消寒社中分詠灌餠餠

嚼冰但苦寒甜脛此適口聽歌偶擊節瑣碎齊  
落手小巷一擔來青紅躡其後鐙安薄籠紙盤  
貯細編柳朔風吹利市竈供家家有捲雪儼截  
甯胡麻出仙臼誰叩中邊味食蜜聞古叟俗諺  
不足據我尙能飲酒

趙斗垣侍御惠唐花

鳳城昨已致雙身四照眞園一室春累我夜闌

清夢醒不知何蕊放香頻

甲申新正三日過玉水吟舫盆花盛開留  
飲移晷出示覺生丈和詩因次原韻

賀年僅數家到此逢好酒停車輒小憩況對歲  
寒友君飲水無敵東州之趙叟花前獨相羊所  
喜貧自守近來酒味薄安得此醇厚君言稱心  
事春蟻列左右今朝夢鄉園梅枝高出手爆竹  
震窗紙一覺客坐久酒香趁午暖不知有九九  
移花可當風莫閉車中婦新篇盡同賞我已酌

大斗僕也捧詩讀聞言哆笑口比鄰數唱酬文  
潛與无咎載吹玉屏竹和曲君聽否

醉後攜壁  
閒玉屏簫

而  
同

客有以盛酒壺廬見貽者戲成一首

腰舟不如腰酒好隨處看山輒醉倒我有一壺  
佩十年燕市見者呼神仙有時小奚負而出酒  
家知是先生物十刹海邊鰕菜亭與朋移屨花  
時經萬荷葉當酒杯用吸露壺空飲難痛感君  
贈此容十觥舊壺頸縮新腹彭咄哉伯仲乃一

族竈側脫巾酒初漉鴟夷滑稽何足盛先生此  
後雙壺名

董文敏書華嚴經題後

文人至晚年棲心必空王書家至晚境融神必  
香光香光書法一佛法耐人參悟禪味長百家  
騰躍各一是此境特妙資回翔左垂右縮勢邁  
緊取韻蘭茝中有芳華嚴密公晚歲筆藏白眉  
老白石莊吾生畫腹弱腕力欲求無迹嗟羚羊  
朱茱堂給諫來卜鄰以舊植丁香一本移

贈

春陰將雨向花臺見贈瓊枝笑口開溼土半弓  
剛有隙隔牆仍是爲君栽

年來種樹書粗熟出手陽春到處饒自分開官  
真不俗典裘換酒過花朝

與某堂丈夜話

洪潮入海萬流并利到菱蘆梗塞成撼屋魚龍  
中夜雨過江鴻雁隔年聲濟時誰熟河渠志建  
議先推震澤名財賦東南天下半豈徒桑梓有

餘情

法源寺探丁香未開

到此別無意聞鐘一洗塵萬花猶入定獨柳自  
搖春穀雨先三日東風遲一旬再來僧有約歸  
去告比鄰

李鐵君盤陰八景圖爲友人作

盤之巔松插天古虬鬱翠翩如仙盤之中石參  
空捫厓蒼蘚鎔頑銅盤之下水奔馬響和松濤  
石槽瀉古有隱者田先生後李鐵君此避名白



雲不使林澗愧尙史閉戶千言成圖中八景筆  
如繡首列羅邨尾松岫皴法端宜斧劈痕此山  
裂石真奇秀今君高致希昔賢得此何似招隱  
篇明年策騎尋碑到定訪盤陰證舊編

程春海學使之黔出楚省周芸皋太守邀  
遊隆中兩家各奉太夫人極侍從之盛見  
寄詩什題後

齊母安車逢晉母黔陽閒道出襄陽觀鐙吳郡  
王規父那及岡頭草木香

天口寺塔鈴爲暴風吹墮殆盡寺僧出示  
俱已破碎其完好者一爲嘉靖十三年織  
染局左副使王潭造一爲萬厯三年乾清  
宮司禮監馮保造

諸天有棄物下界珍吉金三百年來語煩碎息  
機欲證菩提心開皇昔遇阿羅漢舍利探囊光  
滿案雍岐函致三十州州建浮圖此其冠後來  
兵火宣武門金元碑碣無一存勅更今名始宣  
德佛會稱盛孟蘭盆千鍾食祿中常侍不惜金

錢捨僧寺側媚公然菩薩前角鈴小鑄虔心字  
十三層塔高當風鈴語切切訴碧穹夜星隕萬  
天帝笑擊之不碎雙青銅青銅爛斑古苔繡耳  
激聞根手頻扣醜石還同天竺遺鍾官莫問長  
安臭攜歸局室掛夕曛慙無玉帶酬衲裙飛鴿  
來添硯池水涅槃化作春空雲

文信國公祠唐雲麾將軍李秀殘碑用坡  
公石鼓歌韻柬萊堂京兆

京畿龔詠歲丁丑古墨齋名景李叟未識殘碑

苔蘚文今看勁筆龍蛇走卓哉好古少京兆石

搗摩挲開笑口新詩舊記相伯仲石門平湖若

先後

康熙朝少京兆石門吳公涵有斷碑記

堪嗟六礎留止二何

異十鼓文存九筆陣希蹤大令王薑芽斂手元

和柳當年范陽鑱翠珉兀峙秦中望珠斗兩書

雲塵最愜心千載風生見回肘世閒神物有通

塞一則亭臺一蒿莠良鄉博士乃醫夫閩人董

生眞石友重瓊遊喜輦駝背大藥終非棄馬馭

模糊鏡上鵷鳳鸞漫漶行閒雜科蚪光價騰時

始宛平詠歌紀事惟商考

明黎公惟敬王公敬美皆著古墨齋記

繫公直節著開寶不顧羣奸互唧喉信國丹忱  
共日星神祠素壁依尊尚升香肅肅來生徒奏  
鼓逢逢警矇眊觀經何密門鴻都闕字難稽山  
岫樓依稀圓壁瓦礫殘洗刷清泉塵網厚大梁  
攜歸一已私前尹流傳萬厯某墨華古月宜碧  
空宦橐黃金等烏有何如藝苑示戈礫頓使幽  
巖脫械杻堅貞不礙礪角牛巧詐還當噬瓦狗  
延陵嫩意寓激勸柴市忠魂得配偶方今太平

任儒術起化鬻宮首善首正氣堂堂式仰瞻僞  
學紛紛亟攻措讀書益智文可繹廣孝移忠義  
有取讀書益智廣孝移忠義歐陽集錄富金石昌黎進  
解磨光垢真貽模楷國士資況置豆籩官吏守  
珊瑚不滅交柯珍杞梓無妨數尺朽岐陽高唱  
鳳翔蘇欲附長篇此同壽

陳玉生同年招同寶獻山少司馬朱荃堂  
京兆聶蓉峯太史于蓮亭太守集嚮往園  
賞晚菊和韻

一豁塵中目西山可借看室眞如繭小花不與

秋殘炙硯成詩早傳壺避酒難霜枝扶醉態就

爾更忘寒

借山樓繭窩皆園中之勝

嚴城相隔遠夜月好同看咒鉢蓮臺現吹鑪芋

火殘禪關初入易奇夢再尋難印取耕心字冬

心共歲寒

君嘗夢異人授玉印篆耕心二字遂以名齋余昨夢三百歲老僧贈碧玉

葉食之味如甘菊因君述及相與爲笑

小春廿又四日招朱菜堂京兆虹舫閣學

葉雨輶太守黃在軒水部曹玉水舍人趙

衡西給諫素食觀音寺寺爲在軒常至之  
所自余破律攜酒往在軒衡西復踵之凡  
三集在軒欲建閣以眺西山同人喜出貲  
錢約來春三月集事遂用坡公岐亭韻志  
其事並柬在軒爲圖貽寺僧坡云往必作  
詩詩必以前韻余亦以是爲後訂云

佛法貴圓通原不惡米汁攜壺破僧律鄰竈煙

火溼

寺僧持戒嚴因就玉  
水舍人厨下煖酒

折柬迭賓主看山來

得得相期晝漏永所厭晚鐘急遠黛如埽螺澄



波可浮鴨明窗淨玻璃薄霧淨無罣

在軒於窗之西爲拓

玻璃以納西山

棱棱茱隴黃點點楓林赤初地回小春

雪天想奇白清齋飫蔬果盡醉脫巾幘戴斗欲

神護然鐙泯鬼泣行將健閣標聊補短垣缺吾

人觀自在高軒此速客陶然與淩虛鼎峙足雅

集

齋頭新購水仙茱堂京兆攜酒對賞用坡

公和秦太虛梅花韻

陽回土窖甦枯槁伴我清吟一尊倒映水仙姿

異樣妍塵市攜歸破煩惱客能來賞此花澹  
月初升上弦早爲燒銀燭照清冷霧鬢風鬟夜  
逾好瑤臺吹夢入圖畫尺幅生綃墨光埽試拈  
秀句誠齋翁況對酡顏山谷老冬心各抱盟歲  
寒肯負詩天杯草草新糊白紙聽雪窗滿望同  
雲布清昊

在軒爲圖已成復用岐亭韻

讀畫入神品清冽如茗汁寫君自在心脫手煙  
墨溼山靈若相告傑構亦良得累土遲春融布

圖已火急燒焰安燭龍焚香換鑪鴨尺鎌披勝  
趣大地豁塵囂遠迎朝爽青薄染暮霞赤雜樹  
森鬱蒼八窗敞虛白坐與佛分曹醉看人岸幘  
狂吟風月高造語鬼神泣夜鐘靜猶動古鏡圓  
無缺拈毫遺老僧鬬韻待仙客會當耀文字豈  
止盛燕集

詩船詩錄卷三終

張功煥重校

詩舫詩錄卷四

華亭 張祥河 元卿

左田師將乞假歸當塗以書萬卷先行命

祥河作餞書圖

萬卷丹黃兀相向一夕書城開祖帳平生出處  
書與俱欲歸書爲公前驅手持杯酒送汝去仍  
到涪翁讀書處有田不歸江水如無田差幸有  
素書桓譚之富埒猗頓壯我行色惟五車海內  
經師想丰采寄語諸生老夫待學負名山戀故

山觀空宦海超雲海詰朝門外聞驪駒進門弟子命作圖百家何啻具肴饌一笑豈必緣莼鱸獵獵寒風動江驛黃葉將飛隨赤舄公有知心脈望仙不謂公癡謂公癖

春雪和南石師癸未歲依歐公潁州作韻  
時丙戌正月十一日

獻歲宮梅賦新萼

新正二日重華宮茶宴廣吟盆梅八韻淑氣開

韶早寒薄

辛壇齋宿顙膏澤肅肅升香六花

作御園行慶詔書下農畝鋪棗天宇廓間吟

立雪詩思清曩景披圖墨光爍

癸未及門和應詩繪圖成卷

知侔色玉璀璨定復揮毫珠錯落澄心銓鏡朗  
風月馳譽文章動閭貉一篇鼇螭式飛舞八法  
狻猊助擎攬記陪末座泛杯蟻曾試春聲噪檐  
雀祥靈怡喜照絳帷繁繡何嘗棄管屬今者瑤  
林賁 恩眷錫福斯民與同樂枚卜平津揆席  
登茗待東坡鎖闥滌新陰桃李覩穠盛舊學山  
淵示恬漠慙余丈室預槃敦敢向堅城鬪旗槩  
詞成飛騎玉塵裏莞爾可能博歡噓

元夕左田師招同田季高供奉集澄懷園  
食筍齋復用前韻

西苑華鐙吐千萼積雪光中晚烟薄連日卷阿  
聽矢音喜普春膏利東作太平百戲陳紫纈元  
夕同雲羃塵廓供奉歸從青瑣班食筍齋頭燭  
花爍常因瀑直過隈曲更許譚詩傾鑿落相看  
老健翥鸞鳳入坐陽和被狐貉繞檐穉竹色蒼  
勁覆屋長松勢蟠攫飛英點點狎溪鷺催暝沈  
沈散籬雀停車不礙滯漏壺穿徑何勞躡芒屨

先生自在蓬島居舊事每懷故鄉樂藏山富業  
萬卷羅觀海眞源百川瀾天教彝鼎辟光怪未  
遣煙霞適冲漠槃陀有佛早傳鉢筆陣何人更  
橫槊萬樹梅花杖履春禁體當筵且吟噉

澹淵荃士計偕北來下榻余齋相見志喜

何必尊前感歲華著書夙願豈終賒好春同對

初圓月奇樹還留未放花詩思清於洞庭水

澹淵

著洞

游蹤豔到敬亭霞

荃士任宜

通宵不盡經

庭集

游蹤豔到敬亭霞

城校官

年話已聽巖城起曙鴉



春盤餞客出茸城歲事東南雪早晴新漕連檣  
通海運長隄接軫聽河聲山雲一抹迷高下官  
柳千條累送迎聞和吳儂舊題句留詩野店亦  
多情

幾年橐筆住燕臺素抱從君得暫開稚竹風摧  
重茁筍空階雨潤略生苔安花鼎卣口隨俗奏  
曲笙璫豈是才翹首橫雲山一角扁舟遲我載  
書回

廣東一百三歲老人陸

雲從

應丙戌會試

恩賜國子監司業詩以紀盛

四朝天下老萬里地行仙  
頤表登童試春官應  
丙隲耆英瓊海重禮數  
辟雍傳倘比雞窠叟先  
生尙少年

哭趙箴樸師

鉅臣膺置寄豈止盡乃職  
作治吏以肅作養民  
以息滇黔界邊夷邊務  
講尤亟馳驅奉綸綍  
眷顧重旗翼公自閩嶠來  
萬人歡動色唐梅正  
月花迎舞繡幢側詰戎先  
獎勤甄品務除懸鳴

騶方出巡六筦仰威德大星忽掩暉一夕雲慘  
黑馳章達遺疏九重爲愴惻下詔亮節褒哀

榮備終節公望偉朝右歎逝徧京國走也公門  
人哭公更沾臆感恩復知己平生師表式謁拜  
勗儒修語語切心得郵書互家事行行密手泐  
前年公入覲得侍直廬直公曰汝勉旃鈍根言  
可憶祥河嘗語公自愧處事遲鈍公曰鈍字最佳卑官當守分稍稍  
知定力公學在主敬持躬倍謙飭介然不隣矯  
峻也毋取刻從游二十年舉動識之默勛業有

史官要俟鼎鐘勒區區請益心顏景望南極

六月二十一日集蘭雪舍人齋爲歐陽公  
壽公年四十自號醉翁是歲適紀丙戌因  
用集中題滁州醉翁亭韻

四十便稱翁誦此滁州篇今朝合一醉正當丙  
戌年年爲公壽尙論元祐間公之守滁州乃  
在子固前茶仙與醉翁屹峙泉流涓兩亭足干  
秋遺韻鳴風絃典郡以醉理高才無劇繁豐歲  
後民樂鑒茲清潏浚名流效頽放藉口但醉眠

糟邱簿書中豈可同日言吾儕懼無聞懷古心  
茫然

寄里中諸子

諸子固成林谷契頻年深得菜蔬甘相將竹葉  
盡三雅不奈梅花寒一龕江月上弦初八九海  
風吹信正東南聞君略向長安笑欲寫茸城霽  
後嵐

送左田師 予告旋里

萬卷前驅壯行色曩 諭留公歸不得陳情不

曾再三請始遂初心奉 溫勅公心爲國天下  
知公歸當可之謂時平生密勿諸大政後者定  
繫 彤帷思跡公晚達事高寄十載曾無出山  
意經術遭逢荷兩朝二十七年清切地當官矯  
矯誠可風不爲立異不苟同鳳麟文章鶴骨相  
槃陀化去今推公通德門前盛桃李如公愛才  
誰得似著述東坡是後身入室何人詩弟子昨  
夢黃山神告余大雲如海覆草廬壹齋  
公集名壹齋  
題句息壤在猿鳥日盼公迴車錦衣脫向雲深

處山神笑迎萬華曙恨不相從杖履閒捧觴掛  
箇壺盧去

輓宋芷灣觀察

忘年高誼淚空潸詩律相期李杜還

先生題余詩舫圖有

李杜而還誰問涉吾醉後龍蛇題素壁病中風

雨話燕山過江奇句勞公憶涉世新篇勸我刪

東海有人來問訊誰知跨鶴出塵寰

朝鮮金秋史寓書並

生稱先

嘉平五日賓谷前輩招同人觀音寺消寒

小集

破律攜壺幾度經曾拈舊韻和岐亭催詩鵲更  
春前噪供佛花從定後馨待雪沈沈烟嶂白時  
祈雪洗兵莽莽塞天青羣公槃敦前塵在昨夜招  
提見酒星

孫臏洞

與龐涓洞相向在西山

絕險悟兵法呀然雲烟通舉火若見馬陵樹白  
書對面分雌雄渾河冥冥引石罅萬弩下激聲  
當風嘗聞古青谿中有鬼谷洞臏與師名相伯



仲墓碣房山見者眾當時誰成豎子名忌才輕  
敵空鬪兵陰厓兀向設詭計石佛俯視如有情

芝山草堂歌爲李東山前輩作

談山一夜鄉心起楚北桃花魚正美又是三年  
別草堂愔愔慈竹春雲裏竹溪邊境雍州連戎  
馬鄉關憶往年小醜跳梁當孔道孤城累卵逼  
烽烟芝山附郭彈丸地縣令倉皇集羣議一檄  
風雲義勇招萬人性命書生寄教匪由陝入楚竹溪嬰城固守  
君創議團練鄉勇保書生走筆盡翰鈐樹幟山  
障孔道賊不敢前

頭約法嚴竹木堆場成小寨  
耒耨列陣出窮檐

安排軍火傾困米婦孺銜恩齊  
掩涕石屋屯雲

眾志堅天池得雨妖氛洗

近鄉奔赴者眾因石爲屋以居之並恐斷

汲蓄水爲天池揭竿起釁由鄖陽川  
陝鑿兵勢漸張三

省同時遭踐躪一隅無恙賴巡防  
事平未受朝

廷賞鳳閣題名捷春榜上策施行  
裕粟芻

辛酉通籍

授中書

詔詢兵事君上六策稱

旨嗣軍中易轉運爲坐支卽君策也  
高風歸去

垂書幌好山一角翠當空草木何  
嘗駭八公手

種松枝園嘯碧眼明榭葉射窗紅  
薄田不事謀

升斗伏臘邨醪奉慈母吉日羔豚爲樂長清時  
桴鼓相忘久卽今承 旨在金門舞綵堂前有

竹孫

卽君舉拔萃科

飛夢藤蘿縈舊徑關心羽騎到邊

屯男兒食肉封侯相抵掌深宵覺神王卻怪蒼

顏似老僧誰知素抱眞儒將酒酣爲賦草堂篇

我欲芝山刻石傳何日郵亭紆轡過壺盧坡上

拜茶仙

君於壺盧坡置茶亭以便行旅

琴師劉柏鄰彈塞上鴻曲

空堂颯颯涼風起滿地蘆花秋在水斷鴈何來

塞上聲月白沙明天萬里君爲此曲良有情玉  
關隔歲多西征渾河照見鐵衣影凱歌近者方  
休兵莽莽屯雲夜昏黑千帳鳴弓墮風翼一鼓  
南薰天寓清邊塵吹散朱絃力松絃舊譜今廣  
陵大難指法誰傳鑑賞心得遇虞山客請奏胡  
茄十八拍琴曲指法最難者爲胡茄十八拍次  
離騷九歌次關雎大雅次瀟湘水雲  
松絃閣舊譜今  
不可得見矣

讀韋蘇州夏至避暑北池詩輒用其韻同

雷竹泉作

一靜憫羣動閱趣恬以長寥寥天宇寬有此草  
木涼王師未解甲西望飛芻忙赤繖張四野烈  
日烏可當誰爲挽銀河戈壁成陂塘饒歌奏清  
越關樹交鬱蒼隆冬涉夏至幾見節序芳願言  
買犢耕樂歲同清觴

以薑菜餉賓谷先生

菜花涇西本吾里昨夢眞香繞田水朝餐忽訝  
見盈束嫩綠攢雲玉釵委土膏風露肥數莖芥  
薑何自來燕城竈前健婦急料理壓糟滴醋爲

南烹瓜壺辨極幽詩內一唱新篇和者再篇中

識齋是誰謂吾家或有元修菜

曹玉水舍人錢衍百侍御均有

作錢詩有識齋尚書句蓋謂吾家文

敏在國廬廟菜爲羹京師始知有齋

### 吳仲雲太守示滇中詩卷

銅虎分符控上關使君馴俗到諸蠻田歌遞唱

祈神後詔史重修貢象還萬斛詞源雄洱海一

天雪色媚蒼山固知作意酬奇勝造語先將習

見刪

### 和祁春浦編修對雨書懷

一霎新涼傍竹生雨聲未到夏風聲書堂燕入  
開襟舞釣渚人歸側笠行有約早將花作券無  
愁何用酒爲兵請看萬葉珠丸走非復田田溼  
翠平

和季高編修園居卽事

神仙閒福底須誇挹爽吟窗拓碧紗  
誰造墨玉泉水洌好評茶娛親竹石皆能壽結  
屋蓬壺便是家猶記團河行帳夢昨秋並馬詠  
鵲牙

碩士學士攜白種建昌薤九江菰過飲春  
浦園廬相與酬唱余慕其事次韻一首

初春摘薤菜攜餉南城翁琢句綠玉釵往返勞  
詩筭今君一詩兼二美還教覓句陳無已翰林

園居如水平客來對蓋蓮花傾

浣園蓮花白爲京師燒春之冠

車箱潤土出盈東風露秋肥勝梁肉建昌之薤

九江菰千里何自君庖充煙苗小撒半弓地太

乙船邊見新翠

太乙船學士齋名

儒酸莫笑此味貧烝

壺如鳴意最真詩饒卻憶黃山叟飽食家園竹



千畝

春浦供奉所居即左  
田師之食荀齋也

自題湖隄策騎圖

聽漏呼童夜未央  
據鞍早趁芰荷香  
湖天第一

真圖畫萬柳陰中曉月涼

多情贈策話平津  
蹀躞曾來

紫禁馴怪底今

朝隨

豹尾玉泉山下識前塵

騎爲大庾戴  
相國所贈

丁亥除夕

十日春盤歲又增  
清光不夜雪華凝  
洗尊細漉  
家藏酒燒燭閒看自畫  
鐙末職也叨  
中禁賜

新篇誰擅早朝稱  
明年計遂娛親願  
二月椿陰

照屋梭

家君巾  
春北來

白溝河晚渡

一道鎧紅閃列星  
白溝喚渡曉冥冥  
沙迴曲岸帆光黯  
風送前邨雨氣腥  
郵騎乍經雙驛換  
漁棹又隔十年聽  
何人唱我看雲句  
依舊河干夢

草聲

戊寅入都有趙北口憶  
弟詩題店壁和者甚眾

景州

人家齊抱水  
晚入景州涼  
積潦紆官道  
浮圖聳

女牆廣川儒術舊細柳將才良門第追炎漢英  
風萃此鄉

僕夫告余以其家近在州南假歸視其祖  
母貲以遺之

八日郵程景州宿僕言家近在前邨主人亦有  
還家想輸爾今朝早抵門

禹城

鼓角禹城發涼飈吹客襟草香千頃合露氣一  
宵深鳴鳥山中磬流泉屋後琴遙知初旭上樹

樹滲黃金

自開山至固山道中口占

早行向山前午行繞山內山離又山合前山忽  
後退罩雲互晦明塗赭與潑黛筍輿度磴确亂  
石礧細碎偶如虎豹蹲昇夫蹠其背東道令前  
引掖險意有在冠蓋嗤游山況肅弓刀隊

童山都無姿但見綠靄濃行近固山驛一峯圍  
萬松官道經其旁惜未攀虬龍斜照紅古剎絕  
頂誰支筇因憶對松山飛夢雲千重

對松山在  
泰山盤道

中

山腹聚積雨澗泉走涸淀長橋利客行雙虹跨  
匹練其一石齒欹掀輿出水面潺潺蹄渡聲晴  
雪馬蹏濺一折皆平沙螺髻林梢見

泰安道中避雨示戴湘圃殿撰

上嶺復下嶺雲與人俯仰急雨漏雲脅嶺腰日  
仍朗避雨憩古寺一佛坐客兩惟聞松杉中草  
屨踏沙響

看雨

畫境疊層翠大山宮小山聽風來木杪看雨下  
溪灣山壤孰爲關山民空自閒夕陽黃到地盡  
見燒田瘠

偶憶井養齋前新栽諸花

傍砌秋花纔下子關心綠意媚斜曛料經涼雨  
連番洗小朶酥紅飽十分

宿敖陽雨

過嶺此平墅蒙陰指首塗酒帘風力緊茆屋雨  
聲麤沙關恣翔燕潭清宜浴鳧閒披水經注阻

徑想萊蕪

青駝橋

午飯青駝寺卽度青駝橋沙中簇層浪疊石皆  
青瑤溪行此明秀天鏡橫虹腰亦有弄潮兒會  
唱江南謠

紅花埠

一宿紅花埠開程便我鄉蓼花臨水媚稻葉隔  
堤香莽莽河流合迢迢谷水長鯉魚飛信去定  
慰倚閭望

柬功甫

通人晚入釋門多中歲觀空豈有他  
京洛諸公何不察次宗本似老頭陀

三載前塵榕樹巷兩家詩屋一鐙青  
文人慧業略相許寄我春明圓覺經

舟中作畫

作畫消長晝江干滌硯頻烟波空際影雲氣望  
中春芳草思騷士梅花拜喜神欲從迂叟問化  
境可能臻



與湘圃夜話

坐到黃昏後閒中思轉勞雁聲隨櫓遠螢影貼  
檣高送酒連城重譚詩隔舫豪虎山劍池側游  
展待吾曹

寶帶橋

十丈橫塘路平橋雁齒齊跨虹秋浩蕩串月影  
東西紅憶花隨舫青看稻滿畦石湖詩境在舊  
築越來溪

平望驛至嘉興

江湖起蟄走風雷前月杉青開口開漲水不過  
平望驛吳淞新見合龍來

外塘裏塘塘水平前窗雨過後窗晴秋蟬獨曳  
漁歌緩篷腳橫風作蟹行

邨籬漸漸見桑枝早過吳蠶煮繭時滑鬢新衣  
小家女手攀穉竹理新絲

幼弟循齋偕姚子樞妹聳來晤石門舟次  
石門來握手康健問慈幃兄髮猶然綠弟顏漸  
覺肥十年經久別一水想同歸話舊偕姚合尊

前興欲飛

富春謁董太傅墓

臨江華表鬱嵯峨展拜松楸艤楫過一代耆英

悲綠野十年涕淚澀黃河

戊寅歲於袁江得公訃音

策勳傑

閣凌烟上定議行圍密勿多地下知公忠愛意

西師近已奏饒歌

題芸臯觀察襄陽集後

一讀襄陽集江聲送夜闌平生真不負後日歎  
才難文字鍾吾輩耕桑責長官中年商出處有

約在巖灘

釣臺

枕上醒客夢激湍漱石齒得無七里瀧亟起推  
窗視釣臺迎我面嵐翠東西峙樵夫束松薪兀  
兀積臺趾是日風力微上水亦可喜我行已早  
秋未得饌鮓婢鮓之小者謂之鮓婢四月間僅釣臺下有之

上灘

上灘舟行難一里如十里自過桐江驛灘曲出  
沙觜束流勢不舒遂成激箭駛游鱗清可數鱗

纍鋪石子忽焉涉深波  
鼃鼃伏中沚舟背避石  
行邪許聲滿耳瞿塘灘  
瀕堆其險更何似

乘月夜行

峩峩將軍峯宛如采石磯  
崖壁陡然起上見松蓋  
飛緯道一綫橫青笠  
縈夕霏不知明月升  
峯背皆清暉

明月與沙白夜入蘭谿  
境舟人欲弭楫途滯客  
心警集夫使掖舟淺水  
走數頃灘聲亂足聲一  
破萬籟靜

龍游大風雨

七月十五日

薄暮殘陽紅在水舟距龍游不數里碧空忽現  
陣雲黑舟子齊呼雨來矣須臾雨挾風勢行篷  
背切近龍吟聲排山力大桅櫓折入窗洞啟風  
縱橫我舟一瀉灘十丈霹靂燒空飛雹響恰幸  
端端下淺灘亂石膠舟平似掌當時性命一葉  
輕長年哭拜奴僕驚掛雲不更攝舟去龍尾自  
此皆餘生

仙霞嶺

仙霞何岩嶢三關控巖口草萊闢宋帥鑿道通  
地紐一夫當莫開奇險良可負所以開國初  
收閩獨在後

山民種山田綠雲無隙地插秧高下阪引泉得  
水利卽看澗壁間瓜棚亦橫翠棧棧如列睂眞  
香動涼吹

十里一亭堠嶺腰散花竹松毛架曲闌椽片蓋  
高屋此邦殊秀文吾將鄰是卜居人在山中日  
習不知福

我行玉露秋酷熱盛中夏一瓢療渴羌玉花瀝  
泉罇有時陟絕頂何異雲車駕一笑奉使來真  
是從天下

### 三洞橋

大千雲接小千雲三洞橋邊涓水分到此略饒  
平遠意兩厓修竹媚斜曛

羣峯遠態更橫生秀削苔痕畫不成比是美人  
新沐後梳來鬢路十分清

### 病齒



水程飽溼風嶺路逼炎熱斷斷忽作惡積漸毒  
中結初覺齒根搖繼欲牙縫裂造化幻鬼祟良  
材儼蟲齧抽繭百緒煩觀頤一峯凸鏡中豐我  
容食次咸其舌地僻尠良醫方多調藥屑吹噓  
輒流涎咳唾時濺血平生薄滋味何故懲饕餮  
荔支況未啖乃幾左車折作詩檄病魔新汲井  
泉冽明朝一笑榮痛勢去如瞥

大橫驛

遠翠迷漫曉霧連鉤輈禽語導與前厓窮簞密

渾無路磴轉林高別有天  
洗耳愛聽歸澗水驚心  
怕見上灘船大橫已入  
延平界欲繹蒙莊說  
劍篇

清風嶺和湘圃韻

夜行直上最高層不辨  
蒼松與翠藤鳴澗風清  
泉作筑燎原月黑草爲  
鐙橋通僻徑歸樵子門  
隱疏林閉寺僧官饌忽  
看新筍薦好參禪味到  
申乘

閩城行館柬湘圃

炎蒸一雨未昭蘇始覺南天氣候殊  
蝙蝠撲牆新月暗櫻櫚覆檻晚風麤  
舊吟快補哀詩卷小劇初除撤葯鑪  
咫尺相思分兩舍夜闌長篴聽來無

木本珠蘭

折來錯認桂枝香細認珍珠綴蕊黃  
一枕新涼攤飯後畫船搖夢過山塘

江珧柱

風味真堪敵荔支荔支未啖此相思  
朝來喚起

丁沽夢濁酒南京又一時

搜落卷

叢鈴碎佩褪燕支一帶凋闌繫我思兼費回春  
風氣力安花再上最高枝

恭甫太史絳跗堂詩題後卽次集中贈梅

詩韻

午眠一夢梅花邨若構奇境飛詩魂先生示我  
絳跗集披誦遂竟鐙黃昏梅邨不死臥子起恍  
見揖讓還鄉園精心入極接雄概太古有石蒼

苔溫危灘折流瀉春瀑瘴海望氣升朝瞰閩南  
著此老健筆林高而外開旗門末流叫噪丐膏  
馥苦心在斯不復言用鄭少谷論詩意明當攜卷山絕  
頂萬家烟火陪清尊適與友人約登烏石山

孫平叔制軍坐上觀左旋白螺

天府頒神物開函寶氣多佛頭明翠髻鼇足靖  
鯨波聞伴黃門節當年黑水過惟公仗忠信平  
海萬人歌螺能定風舊制重臣渡洋例請攜往公昨歲剿平械匪剋日度臺灣並未  
奏帶迄無風濤之險

廿一日諸門生餞酒虹橋有王生景祺者  
以二塲不到見屏亦來送別詩以贈之  
邢濟新英執禮頻河干尙戀坐中春門生送酒  
尋常事偏有孫山以外人

建安城外

一徑沿流曲危灘夕照多枯蘆森戟矢亂石伏  
鼉鼉雉堞高城瞰漁舟急溜過海天誰潑墨別  
寫碧嵯峨

八仙塘

八仙塘十里對岸屋參差徑直興行速灘平筏  
渡遲犬聲蒼靄裏鴉影夕陽時負手柴門者塵  
勞定我嗤

大千嶺題壁

朝霧忽成雨千雲上翠峯  
碣樓旗影颭神廟篆  
香濃樹靜葉能舞溪喧水自春  
來時未題句拂  
壁記游蹤

嶺路

嶺路入陂陀羣山面面羅  
畫圖憎筆複詞藻  
患

才多移想愚公術難同蜀道歌吾鄉平遠處  
迆少此烟螺

詠江郎三片石卽寄家園諸弟

神仙能叱石化石亦何妨一姓友于誼名山遂  
屬郎烟姿看合掌夢境憶聯牀恰喜開晴朗歸  
途迓吉祥俗傳過客於晴日見之必有吉事

輓聶蓉峯太守

風度神仙頓老蒼烏啼一夜淚滄浪殿前帝  
賞迴文賦座上人驚急就章萬里文衡懷蜀國



三春酒社愴高陽不堪弔鶴西湖上衰颯霜天  
木葉黃

芸皋招同李子蔚明府及少迂丹岡湘圃  
集滄曉閣分韻

十日舟行詩思嬾振衣傑閣快經過水天山入  
斜陽麗鄉話人來舊雨多畫癖有誰摹紫翠酒  
狂直欲踏黿鼉天然百雉圍闌檻待倚江聲一  
放歌

江雲如幔月如鉤朗揭紅鐙最上頭竹葉載傾

輪過盞花枝還見坐來舟望從下界疑仙侶譚  
入深宵廢漏籌廿載相違今夕敘碧空掃盡別  
離愁

陳小韓朱彥甫招集西湖泛舟由文瀾閣  
至岳墳復登孤山得詩四首

出郭意翛然西湖別幾年征袍來鏡裏鄉樹落  
尊前世局槎枒感名山砥礪專著書吾舊志那  
得此林泉

重上文瀾閣輦飛到眼新明湖開福地奇石出

佳人

池中美人峯  
適當閣前

誰食神仙字曾瞻

禁籞春

祇今懷紀陸

曉嵐相國  
耳山廷尉

四庫是功臣

到此令人肅丹心日月俱刊碑皆指血鑄鐵爲  
鄉愚坏土宛難蓋南枝慘不蘇英風來颯颯寶  
篆散金鑪

人外無林麓清名安用逃叢祠新栗主秋雨薦

溪毛仙眷胎禽在詩魂馬鬣高梅花誰補種好

事定吾曹

謂許玉  
年明府

與湘圃看雨平山堂

不緣風雨阻人本戀鄉關  
看水一湖碧移舟半  
日間酒帘迷斷港  
畫壁賸殘山  
莫作荒涼感  
纔將俗習刪

出丹徒閘遂登焦山示偕菴長老

把酒江干風日美  
布帆安穩借紅船  
平生慣著穿雲屐  
初地來尋瘞鶴篇  
千級盤陀黃葉路  
一樓丹碧夕陽天

夕陽樓爲  
半山之勝

金山三過曾三宿  
補

踐清游二十年

幾輩松寥刻石來  
南城最眷此亭臺

曾賓谷  
先生題

將詩草皆人日

賓老凡三游皆以人日題詩

問到僧年似老

梅

松寥山房前老梅一樹臨江有致

文字誰無千載想江山爭

數一時才

洪惟存王夢樓諸公

舉頭崖壁龍蛇走愴絕黃

壚古墨苔

宋芷灣觀遺墨爲之撫然間茲觀遺墨爲之撫然

贈高郵啞道人

道人爲余傳真兼善指墨

槎枒未盡胸中話活潑能生指上春璧社湖頭

寒雨過爲君洗卻硯田塵

十一月十四日夜聽雨

杭城掛席到揚城廿日清游喜老晴今夜思親

淮上宿打窗始聽雨來聲

曲陸店

午行爲行飯策馬趁平沙殘雪白無迹荒泉綠  
有涯神鴉鳴灌木山鵲啄冰花明日離東國河  
隄入望斜

詩船詩錄卷四終

張端瀛重校